



Naunaipkutaq Titiraq

Havauhikhait Makititauyut Katimayiralaallu Maligaliurvingmut

Titiraqhimayuq talvani *Maligaliurvingmut Aulapkaiiryuallu Katimayiit Maligainit* taimaa:

- 17(1) Taamna Maligaliurvik makitittiinnarialik katimayinik ikayuqtikhat unniqtuiyikhallu ihariagiyaugumik.

Katimayiralaat qaffinik akhuurnaqtunik munaqtakhalgit havaanginit kavamatkut hapkunuuna:

- Ihivriuttiaqhugit Piquyakhat;
- Ihivriuttiaqhugit havakviit nanminiqaarnikkut havaakhait aturniarahugiyainiglu;
- Ihivriutqhugit ukiup nunngutaanut naunaitkutainik Ilikkuuqtunik Titiraqtinik Maligaliurvingmi; imaalu
- Ilihaqhugit kitullikiaq ikayuutitut maligakhat.

Tuhaqtittiyumablutik Katimayiralaanik katimapkaivaktut maligakhaliuqtakhanut ahiniglu ihumaaluutaayunik ihuaqutauvaktuq katimaqatigiinut ilikkuuqtunullu tuhaqtittiyumayainik ilauqublugillu maligaliuqtillugit. Katimayiralaat tuhaqtittivaktut ilitturihimayainik pitquyauhimagumiglu Maligaliurvingmit ihumaliuqtakhainik. Pitquyauhimagumik Katimayiralaanik, kavamat takupkaqtittiyukhat kiutjutainik titirakkut Katimayiralaat naunaitkutainut 120 ubluit naatinngit takupkaqtivianit.

Ilaaninnguraangat, Maligaliurvik makitittiinnarialik Katimayiralaanik ihivriutqhuyukhat ihumaaluutaayunik pitquyauhimagumiglu havaaniktitaugumik. Hapkua Katimayiralaat huuhuiqtitauvaktut havaakhait iniraangamik. Hivulliqpaaq Maligaliurvik Nunavunmi (1999-2004) Katimayiralaanik makitittihimayut ihivriutqhuyukhat *Atuqtaulluaqtut Uqauhiit Maligarnik*. Hapkua Katimayiralaat takupkaqtittihimayut naunaitkutainik Maligaliurvingmut ukiakhautillugu 2003-mi.

Katimayiralaat Maligaliurvingmut akhuurluanginnarialgit kavamanut taapkuninga ahini Kanatami maligaliurviini. Imaatut, taapkua Katimayiralaat ihivriuhivaktut kavamat nanminiqarnikkut atuqtakhait ukiumi, angiyunut atuqtauniarahugiyayuyut atuqtauniarahugiyayuyullu iniqhimaittunik takupkaqtitautinnagu Maligaliurvingmut. Imaa taapkua Maligaliuqtiuyut pitqinginnarialgit aallannguquinnginnarialgit atuqtakhanik kiinauyanik iniqtautinnagit. Katimayiralaat ihivriuhiiinnarialgillu maligaliuqtauyumayunik takupkaqtitautinnagit Maligaliurvingmut Piquyannguqtaugumi.

Maligaliuqtit Maligaliurviup Katimayiralaanit tikkuaqtauvaktut pigiaqtittiblulik Maligaliurvingmi pitquyahimagumik Munaqtinit Katimayiralaanit, pitquyahimayuq talvani *Maligakhaliuqhimayut Maligaliurvingmut* makitittilulik katimatqilirumik Maligaliurvingmi niruaqtaaqata. Katimayiralaat niruayuktut Ikhivautalingnik Tugliinigu.

Naunaitiarumaguffi mikhaagut taapkua Katimayiralaat Pingahuanit Maligaliurvingmi Nunavunmi, taapkuningalu naunaitkutit kavamanillu kiutjutit, takulugu qaritayakkut: <http://www.assembly.nu.ca/standing-special-committees>